

А. АБДУФАТТОХ.

Вилоят ҳокимининг матбуот хизмати хабар қилади:

ЕРНИНГ ХУСУСИЯТИ САҚЛАБ ҚОЛИНИШИ КЕРАК



Ўрдабоши тумани, Тўрткўл қишлоғида “Рамазан Агро” МЧБ 60 гектарда кимёвий ўғитларсиз пахта етиштириш тажриба майдонини ташкил қилган. Қишлоқ хўжалиги мутахассислари учун уюштирилган семинарда бу ерда олиб борилаётган ишлар таништирилди.

— Ерни қадрлаш — бош вазифамиз. Сабаби, у бизнинг бебаҳо бойлигимиз. Шундай экан, биз Она заминимизни турли кимёвий элементлар билан заҳарламаслигимиз керак. Чунки, ерларимиз яроқсиз ҳолга келиб қолди, — деди “Агро-маслаҳат маркази” етакчиси Нурлибек Бўранбаев.

Олимлар тажриба майдонида ҳосилдорликни кўпайтириш учун анча тер тўккан. Улар, аввало тулроқ таркибини аниқлаш мақсадида намуна олишган, маҳаллий иқлимга мос келадиган Лима ва Эдесса чигит навлари танлаб олинган. Олимларнинг таъкидлашича, ҳосил 125-130 кунда пишиб етилади, ҳар гектардан 70 центнер хирмон кўтариш мумкин.

— Биз қишлоқ хўжалигини ривожлантиришда замон талабидан ортада қолмаслигимиз зарур. Сабаби, вилоятимизнинг иқтисоди мазкур соҳага боғлиқ. Шундай экан, ушбу семинар деҳқон хўжаликлари учун қўлланма вазифасини ўташига ишончим комил, — деди вилоят Тадбиркорлар палатаси директори Асилан Ибадуллаев.

АСИЛЖАН ЕСЕНГЕЛДИ – КУМУШ СОВРИН СОҲИБИ

Албания давлатининг Тирана шаҳрида эркин курашдан U23 жаҳон чемпионати якунланди. Беллашувда 61 кг. вазн тоифасида Қозоғистон миллий таркибининг истеъдодли полво-ни, вилоят спортчиси Асилжан Есенгелди кумуш совринга эга бўлди.

Совриндорни Туркистон халқаро аэропортидан спорт мухлислари, қариндош-уруғлари ва мураббийлари кучоқ очиб кутиб олишди. Вилоят ҳокими девони раҳбари Еркеғали Аликмулов спортчи билан учрашиб, эҳтиром кўрсатди. Унда девон раҳбари спортчини табрик-




лаб, Париж олимпиадаси йўлланмаси учун ўтадиган нуфузли мусобақаларда муваффақият тилади.

Девон раҳбари ҳомийлар номи-дан 1 млн. тенге мукофот сертификaтини топширди.

Таъкидлаш жоизки, иқтидорли полвон Асилжан Есенгелди Келес туманида туғилган. У вилоятнинг Шинбўлат Райханов бошқарадиган олий спорт мактаби тарбияланувчиси. Спортчини жаҳон мусобақасига тайёрлашда эркин курашдан мураббийлари Ерлан Сатимбеков, Мақсат Бекбаев ва Роллан Кешубаевнинг ҳиссаси улкан.

КЕНТОВДА РЕСПУБЛИКА ТУРНИРИ



Кентов шаҳрида Б. Саттарханов номидаги болалар ва ўсмирлар спорт мактабида ҚРнинг спорт фахрийси Е. Тўқтасинулига бағишланган республика турнири ўтди.

Беллашувда шаҳар ҳокими муовини Акнур Байбўлова иштирок этиб, полвонларга муваффақият тилади. Гилам устида Шимкент шаҳар, Туркистон, Шимолий Қозоғистон, Қарағанди вилоятларидан жами 15та жамоа таркибида 300 полвон куч синашди.

Мусобақа натижаларига кўра, ғолибларга тақдирланган томонидан махсус диплом, медаллар билан бирга қимматбаҳо совғалар топширилди.

САВРОНДА СПОРТ МАКТАБИ ОЧИЛДИ



Саврон туманида болалар ва ўсмирлар спорт мактабининг тантанали очилиш маросими ўтди.

Унда туман ҳокими ўринбосари Серик Садибаев, вилоят спорт бошқармаси раҳбари ўринбосари Жазира Муслимова, спорт клуби директори, ҚРда хизмат кўрсатган мураббий Данияр Исабаев, ҚР Бош прокуратурасининг департамент бошлиғи Асқар Сапарғалиев ҳамда қишлоқ аҳли иштирок этди.

Туман ҳокими муовини С. Садибаев вилоятда волейболдан ўсмирлар ўртасида ўтган беллашувда совринли ўринларни эгаллаган мураббийларни махсус кубок ва ташаккурномалар билан тақдирлади.



ИЛМИЙ АНЖУМАН ЎТДИ

“Сырдария-Туркистон” давлат минтақавий паркиннинг 10 йиллигига бағиш-лаб илмий тадбирларнинг натижалари” илмий анжумани ўтди.

Тадбирда “Сырдария-Туркистон ДМП” ДKK Сайёҳлик рекреация ва экокартув бўлими мудири А. Тажиева, ахборот ва мониторинг бўлими мудири Н. Тўре ва олимплар, ОАВ вакиллари иштирок этди.

“Сирдария-Туркистон ДМП” давлат минтақавий табиий паркиннинг бош директори А. Абдихадиров анжуман иштирокчиларини қутлаб, бир гуруҳ фуқароларни тақдирлади. Шунингдек, муассасанинг 10 йиллиги натижалари ва илмий ютуқлари” жамланмаси китобини тақдим этди.

Тадбир сўнггида иштирокчилар учун Хожа Аҳмад Яссавий мақбараси, Карвон сарой, Тўнғич Президент истироҳат боғларига саёҳат уюштирилди.

Туркистон вилоят ижтимоий тараққиёт бошқармасининг мажлислар залида 25 октябрь – Республика кўни муносабати билан минтақа раънақиға ҳисса қўшган фаол ноҳукумат ташкилот ва жамоат кенгаши вакилларини тақдирлаш маросими ўтди.

МЕҲНАТ ОДАМЛАРИ ЭЪЗОЗЛАНДИ



– Республика кўни – қозоқ халқининг давлат барпо этиш йўлидаги тарихий қадамининг тимсоли. Миллий байрамимиз – бирлигимизнинг асосий таянчи, – дея барчани байрам билан қутлаган вилоят ижтимоий тараққиёт бошқармаси раҳбари Ерлан Бақитжанули минтақани ривожлантиришга ҳисса қўшган қатор фуқаро-ларга давлат мукофотларини топширди.

Жамиятнинг турли соҳаларида меҳнати билан эътибор қозонган бир гуруҳ фуқароларга ҚР Маданият ва ахборот вазири Аида Ғалим қизи ҳамда вилоят ҳокимининг ташаккурномалари ҳамда “Вилоятга кўрсатган хизмати учун” медалларини топширди.

ИЖТИМОЙ СОҲАГА ДОИР ТАДБИРЛАР ДАВОМ ЭТАДИ



Туркистон шаҳрида Ижтимоий ҳимоя тизими ходимларининг касбий байрамига бағишланган тадбирлар бошланди. Октябр ойининг сўнгги яшанбасига мўлжалланган “Ногиронлар кўни” ҳам нишонланмоқда.

Дастлаб, Туркистон вилояти бандликни мувофиқлаштириш ҳамда ижтимоий дастурлар бошқармаси, “Qatqorlyq” оилавий марказ ҳамкорлигида уюштирилган “Искер ана” тадбиркор хотин-қизлар тайёрлаган маҳсулотлар ярмаркаси ўтди.

Унда вилоят бандликни мувофиқлаштириш ҳамда

ижтимоий дастурлар бошқармаси раҳбари ўринбосари Нуржан Нурашов, Туркистон шаҳар ҳокимлиги бандлик ҳамда ижтимоий дастурлар бўлими раҳбари Элмира Бейсеновалар иштирок этди.

Ярмаркага вилоятдаги кўп болали оналар, ноги-

ронлар ҳамда тадбиркорлар ясаган хунармандчилик, заргарлик буюмлари ва турли таомлар чиқарилди.

Тадбир якунида 22 нафар фаол оналарга дипломлар топширилди.

СЕРБИЯДА ҲАЛОК БЎЛГАНЛАР

“Атамның аманаты” ЖТ ҚР Ташқи ишлар вазирлиги шафелигида Иккинчи жаҳон уруши даврида Европа ҳудудида ҳалок бўлган қозоғистонликларнинг исм-шарифлари, дафн қилинган жойларини аниқлашга доир қатор тадбирларни амалга оширмоқда.



Яқинда 1944-1945 йилларда Сербияда ҳалок бўлган ватандошларимизнинг исмлари маълум бўлди. Қозоғистоннинг турли чеккасида анжуман иштирокчилари 198 нафар аскарнинг барчаси асосан урушнинг сўнгги йиллари жанг майдонларида ёки оғир жароҳатлардан госпиталларда вафот этганлар.

– Бунгача Норвегия, Нидерландия, Венгрия ҳамда бошқа давлатлар тупроғидан қолган қозоғистонликларнинг исм-шарифларини аниқлаган эдик. Ҳозир

уларнинг Қозоғистондаги авлодлари ва қариндош-уруғларини қидиришни бошладик. Бундан ташқари, шиддатли урушдаги жанг майдонларини қазिश ишлари давомида топилган 16 нафар жангчининг ҳокими элга олиб келиб, эҳтиром ила дафн этганмиз. Ҳозирги кунда Россиядан яна 12 нафар ватандошимизнинг ҳокими олиб келиб, дафн қилишни кўзлаяпмиз”, – дейди ЖТ бошқарма раиси Мурат Мўлдағалиев.

»» Ибратли умр сабоқлари

ПИРИ БАДАВЛАТ ОНАХОН – ФРОНТОРТИ ФАХРИЙСИ

Бўстон ая Бердибоева 1927 йили Султонрабoт қишлоғида таваллуд топган. Ёшлик даври очарчилик йилларига тўғри келди.

Отаси Бердибой қатагонлик қурбони сифатида сургун қилинган. Онаси Саври аянинг қарамоғида вояга етмаган беш қиз ва бир ўғил қолади. У 14 ёшга тўлганида дунёни ларзага солиб, дахшатли уруш бошланди. Опалари билан бирга бўз тўқиш арте-лига ишга кирди. Кунни тунга улаб, меҳнат қилиб, ғалабани яқинлаштиришга ҳисса қўшди, қийналса-да, машаққатли меҳнатдан бўйин товламади. Халқимиз бошига кулфат келтирган уруш тугаб, тинч ҳаёт бошланди. Турмуш ўртоғи Рўзимат Дўстмат ўғли билан 11 фарзандни вояга етказишади.

– Болалигимда, 40-йиллардаги ёшлар эғнидаги битта яктагу енгил чакмони билан қаҳратон қишда ҳам ишга кета-верадиган бакувват йигитлар эди, – деди онахон. – Улар ҳар қандай оғир меҳнатдан хайиқмасди. Ҳозир эса енгил меҳнат излаб, чет элларга ке-тиб қоладиган ёшлар оз эмас.

Совет тузуми даврида Бўстон ая телекоммуникация соҳасида ишлаб, шу ердан нафақага чикди. Ҳамкасблари алоқачиларнинг касбий байрамида онахонни йўқлаб туришади.

1947 йили унга Сталин ме-дали топширилди. Бу муко-фотни ая кўз қорачиғидай асраб, урушдан кейинги йил-ларда халқ хўжалигини тик-лаш борасидаги зарбдор меҳ-натига берилган баҳо деб билади. Кейинги йилларда ҳам фидокорона меҳнати учун юбилей медаллари ва фахрий ёрлиқлар билан тақдирланди.

– Ҳалол меҳнат қай замон-да бўлмасин, қадрланиб, улуг-ланган, – давом этади онахон. – Шунинг учун: «Меҳнатдан келса бойлик – турмуш бўлар чиройлик» деган нақлда жуда кўп маъно ва мазмун мужас-сам. Бахт гойибдан келмайди, уни совға қилиб ҳам бўл-



майди. Биз кўрган кунларни ёшларимиз кўрмасин. Очарчиликнинг ҳам гувоҳи бўлдик, йўқчиликни ҳам кўрдик. Уззукун ишлаб қорнимиз тўйиб овқат емаганимиз. Алғов-далғов замонлар эди. Техника йўқ, қўш ҳайдаб, кетмон чоганмиз. Шу кунларга етказганига шукур.

– Қандай тилак-истакларингиз бор? – сўраймиз Бўстон аядан.

Онахон қўлини дуога очди. – Юртимиз тинч, осмонимиз мусаффо бўлсин. Ёшлари-миз мустақиллигимиз қадрига етишсин. Ҳалол меҳнат қилиб, бахтли турмуш кечирши-син. Барча-барчага менинг ёшимни берсин.

Онахоннинг қизлари Нисо-буви, Хайринисо, Моҳинисо, Ойпар, Тожибуви, Гулбуви, Ирисбуви, ўғиллари Мурод-жон, Жамолиддин ҳаётда ўз ўрнини топишган. Набирала-ридан Алишер Шимкентдаги ТЭЦ-3 да масъул лавозимда, Ўткир мактабда ўқитувчи, Зокир ички ишлар хизмати фахрийси.

– Менимча, Аллоҳ узоқ умрни бағри кенг, очиқ чехра, камтарин бандаларга беради. Онамиз шундай мулоим, бағрикенг инсонлардан. Ҳаммани бирдай эъзозлайди, – дейди аянинг келини Иродахон. – Бизларни ҳам бағрикенгликка ундайди. Шунинг учун хонадо-нимиз доим фэйзли. Уйимиз-нинг эшиги ҳар бир меҳмон учун очиқ, чунки меҳмон ризқи билан келишига ишончимиз комил.

Онахон биз билан худди

олдидан таниган-билгандай илиқ сўрашди. Ўтириб дуо қилди. Неваралари эндигина тандирдан узилган нон олиб келиб ушатишди.

Одам кимнингдир хона-донига таом учун бормаиди. Аммо бир нарса борки, қа-димдан момоларимиз инсон қадрини юксак баҳолашган. Йўқлаб келган одамга қадрдо-нидек муносабатда бўлишиб, меҳмондўстлик назари билан боқишган. Шу каби қадимий анъана Бўстон она гўшасида ҳали-ҳануз сақланиб қолган экан.

Оиладаги соғлом муҳит, чиройли тарбия, болалардаги гўзал хулқ, ўзаро меҳр-оқи-бат, муомала маданияти...

Дуода ҳикмат кўп экан. Дуо билан эл кўкради, деб бежиз айтилмайди-да. Онасининг дуоларини олиб, ўғли Мурод-жон кам бўлмапти. Ишида барака бор, меҳнати билан жамоасида ҳурмат қозонган.

– Онахон, ёшларга маслаҳатларингиз...

– Яхшилик – жоннинг мал-ҳамидир! Кўпроқ бир-бирига яхшиликларни илинсин. Яхши инсонлар кўмағида, яқинла-рининг илиқ меҳрлари ила ҳар қандай инсон ўзини бахтли ҳис қилади. Шунинг учун ҳеч қачон одамлар орасида яхши-лик сўнмасин, дея доим дуо қиламан!

Биз бу нурли онахон билан хайрлашаётганимизда бир гуруҳ ўқувчилар учрашувга келишди.

Дилбар ЗИЁ.
Тўлебий тумани.

»» Обуначиларимиз орасида

“ҚАЙРАТ” СПОРТ МАЖМУАСИ ОЧИЛДИ

Ўндан зиёд йирик иншоотлар, хусусан, мактаб, меҳмонхона, тўйхона, шифохона, ёпиқ сузиш ҳавзаси, супермаркетлар бар-по этган таниқли тад-биркор Ғайрат Маҳкамбой ўғли бошчи-лигида қад ростлаган “Қайрат” спорт маж-муаси фойдаланишга топширилди.



Тантанада шаҳар ҳокими ўринбосари Байдулла Ўразбеков, шаҳар маслаҳати раиси Гаппар Сарсенбаев, маслаҳат депутати Бақдаулет Турманов, меҳнат фахрийси Мирзахон Акешовлар сўзга чиқиб, спортчи ёшларга ажойиб қошонани барпо этган Ғайрат Маҳкамбой ўғлига мустаҳкам соғлиқ, янги зафарлар тиладилар. Тажрибали меъмор Рустам Абдусат

санъат орқали чиқади. Янги спорт қошонасида чемпионлар етишиб чиқишига ишонч комил. Мажмуа ҳовлисида элга берилган худойи ош поёни-да эзгу ниятлар баён этилиб, тадбиркор Ғайрат Акешовнинг ота-онаси Маҳкамбой ота ва Хайринсо ая руҳига бағишлаб, Қуръон тиловат қилинди.

Туркистон шаҳар ўзбек этно-маданият бирлашмаси раиси

эл корига камарбаста Ғайрат Акешов ҳамда акаси Мирзахон Акешовларга таваллуд кунлари муносабати билан қифтига тўн ёпиб, иззат-икром кўрсатишди. Уларга ибратли ишлари баён этилган ташаккурнома топи-рилди. Икромжон Ҳошимжонов раҳбарлигидаги ҚР “Дўстлик” ҳамжамиятининг “Дўстлик” ме-дали ака-укаларга тантанали тақдим этилди. Фидойи меҳнат-га берилган мукофот муборак бўлсин!

– Арис–Туркистон канали бўйидаги бўш худуд биз бар-по этган иншоотлар ила обод масканга айланди. Шу ерда яна иккита тўйхона қурилмоқда. Ке-лажақда шаҳарнинг Ўтрор кичик туманида бунёдкорлик фаолия-тимизни давом эттирамиз, – де-ди Ғайрат Акешов.

Эзгу ниятлар ижобатини бер-

син.

Ш. МАДАЛИЕВ.

Тасвирларда: тадбирдан лавҳалар.

Р. МАДАЛИЕВ тасвири.

»» Обуначиларимиз орасида



А. Навоий номли мактаб-да ўтган асрда таълим олган таниқли олим, профессор, техника фанлари доктори Ҳаким Диметовнинг Тош-кент шаҳридан Туркистонга ташрифи, “Жанубий Қозо-ғистон” газетасига мусохаба тайёрлаш ҳақида доимий фаол обуначимиз Саъдулла Содиқов таклифига муво-фиқ, олимнинг қариндош-лари, тадбиркор Махсуджон Абилқосим ўғли ҳамда на-фақадаги ўқитувчи Хайрул-ла Шомуродовлар билан бамаслаҳат А. Яссавий мақ-бараси ёнида учрашдик.

Таниқли олим Ҳаким Нишон ўғли, умр йўлдоши Дилором

Иноят қизи билан Яссавий мақ-бараси ёнида зиёратчилар учун яратилган ажойиб қўлайликлар, ўриндиқлар, анвойи гул, ноёб дарахтлар, фавворалар, текис йўлаклар, гавжум зиёратчилар-ни қувонч ила томоша қилишди. Жорий йили “Ҳақиқатга бош-ловчи энг тўғри йўл – илм йў-лидир” таълимоти муаллифи А. Яссавий таваллудига 930 йил тўлди. Олим билан газетамизда кўп йиллар аввал чоп этилган мақолалар, УВУ иштирокчиси, 45 йилдан кўпроқ Туркистон



шаҳар сув хўжалигида раҳбар бўлиб ишлаган падари бузрук-вори Нишонбой ҳожи ота, етти фарзандни оқ юзиб, оқ тараб, вояга етказган волидаи мухта-рамаси Замира ҳожи она ҳақи-да, ёшлик чоғлари, дўстлари хусусида суҳбатлашдим.

– Яссавий мақбараси атро-фи, умуман, вилоят мақомига эга Туркистон шаҳрини ободон-лаштираётгани, зиёратчиларга қўлайликлар яратилаётганлиги

МАҚБАРА ҚОШИДАГИ МУСОҲАБА

учун вилоят раҳбарлари, ижро-чиларга миннатдорчилигини изхор этаман. Қадрдон А. На-воий номли мактабга бордим, тарих музейи билан танишдим. Ёшлик чоғларим кўз ўнгимдан худди кино тасмасидагидек ўтди. Мен ҳақимда мақолалар чоп этилган “Жанубий Қозоғис-тон” газетасига равнақ тилай-ман. Бу нашрни барчамиз ва ҳар биримиз қўллашимиз шарт.

билади, кутубхонасида кўплаб нодир китобларни варақлаб кўрганман. Туркистон вилояти-да ажойиб адибларимиз Одил Ёқубов, Носир Ҳозиевлар номини абадийлаштиришдек хайрли ишга камарбаста “Жа-нубий Қозоғистон” газетаси-нинг муштарийларига самимий тилакларим кўп. Энг аввало, вақтни қадрланг, ўқитувчи, ус-тозларингизни ҳурмат қилинг. Қийинчиликлардан кўркманг. Зеро, эзгу мақсадларга кучли, иродали, соғлом, ўзига ишон-ган ва ҳеч қачон тушқунликка тушмайдиган, фақат ўз меҳна-тига ишонадиган одамларгина эришади, – деди Ҳаким ака.

Ш. МАДАЛИЕВ.

Тасвирларда: учрашувдан лавҳалар.

Муаллиф суратга олган.



Р.С: Жорий йили таваллудига 687 йил тўлган соҳибқирон Амир Темур барпо этган А. Яссавий мақбараси ёнида доимий обуначиларимиз, қадрли меҳмонлар билан мулоқотда бўлдим. Ҳаким аканинг оиласини том маънода олимлар оиласи дейиш мумкин. Ўзи ва умр йўлдоши каби олимлик йўлини танлаган иқтидорли олима қизлари – тиббиёт фанлари доктори Нодира, тиббиёт фанлари номзоди Нозима, инновация лойиҳалар ижроси бўйича самарали фаолият юритаётган ўғли Беҳзодлар билан туркистонликлар, А. Навоий но-мли мактаб жамоаси ҳақли равишда фахрланишади. 95 йиллик юбилейга ҳозирлик кўраёт-ган (пандемия тўғрисида 90 йиллик тантана қолдирилган эди.) А. Навоий номли мактабда “Қозоғистон ва Ўзбекистон давлатлари фахрий профессори Ҳаким Диметов номидаги синфхона”ни ташкил этиш масаласи муҳокама қилинди.

Қадрли меҳмонлар “Ўлес” хайрия жамғармаси раҳбари Райимжон Қўчқоров ташкил эт-ган А. Яссавий номидаги китобсеварлар клубида китобхонлар билан учрашиб, дилдан суҳбатлашдилар. Таниқли устоз Маҳбуба Мурод қизи бошқарган ушбу маънавий тадбирда китобни қадрлаб, қадр топган олимларга иззат-икром кўрсатилиб, махсус мукофотлар тақдим этилди.

Директор – Бош муҳаррир Райимжон Ортиқбой ўғли АЛИБОВЕВ.		Масъул шахслар: Туркистон, Саврон — Шомирза МАДАЛИЕВ. 8(72533) 2-40-07. Кентов, Сўзоқ — Рўзиохун МАДАЛИЕВ. +7708-824-20-97. Тўлебий — Баҳорид ДУСМАТОВА. 8(72547) 6-07-16. Қазигурт — Хуршид ҚўЧҚОРОВ. +7-701-447-37-42. Сайрам — Зокиржон МҲМИНЖОНОВ. +7-702-278-96-90 Тулқибаш — Мунира САЪДУЛЛАЕВА. +7-747-144-60-71.	
Бош муҳаррир ўринбосарлари: Муроджон АБУБАКИРОВ. Авазжон БҮРҲОНБОВЕВ.		Муассис – Туркистон вилояти ҳокимлиги. Мулк эгаси – “Жанубий Қозоғистон” вилоят ижтимоий-сиёсий газетаси тахририяти” масъулияти чекланган биродарлиги.	
Масъул котиба – Шаҳноза УСМОНОВА.		● Мақолалар, эълон ва билдирувлардаги факт ҳамда далилларини тўғрилиги учун муаллифлар, реклама ва эълон берувчилар масъулдир. ● Фойдаланилмаган мақолаларга ёзма жавоб қайтарилмайди.	
Қозоғистон Республикасида тарқатилади.		Газета ҚР Маданият ва ахборот вазирлиги томонидан 2020 йил 21 апрелда руҳанга олинди. КЗ34VP00022503 гувоҳнома берилган. “ERNUR-print” МЧБ бомахонасида чоп этилди, Шимкент шаҳри, Т. Алимқулов кўчаси, 22.	
		МАНЗИЛИМИЗ: 160000, Шимкент шаҳри, Тауке хан шоҳқўчаси, 6-уй, 3-қават. Телефон: 53-07-10. Телефакс: 53-04-66. Электрон почта: janubiy@inbox.ru	
		Нашр кўрсаткичи – 55466. Адади – 12100 нусха. Буюртма: 2725	
		Навбатчи муҳаррир: Муҳтабар УСМОНОВА.	